



20.06.2022  
02-4-63-5495-1/2022

Na osnovu člana 70. stav (1) Zakona o javnim nabavkama Bosne i Hercegovine („Službeni glasnik BiH” broj: 39/14), člana 99. Statuta Javnog preduzeća Elektroprivreda BiH d.d.- Sarajevo (prečišćeni tekst broj: NO-2190/21-41./2. od 25.01.2021. godine) i člana 7. Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva (prečišćeni tekst, broj: 06-14208/20 od 29.05.2020. godine) direktor Podružnice Termoelektrana „Tuzla“ Tuzla **donosi:**

### **O D L U K U**

#### **o otkazivanju postupka javne nabavke**

##### **Član 1.**

Otkazuje se otvoreni postupak javne nabavke „Zbrinjavanje opasnog otpada“ broj 2000034563 (broj sa Portala javnih nabavki 1405-1-2-238-3-120/22) iz razloga koji su izvan kontrole ugovornog organa, a koji se nisu mogli predvidjeti u vrijeme pokretanja postupka javne nabavke.

##### **Član 2.**

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima koji su sudjelovali u predmetnom postupku nabavke, te Odluku objavi na internetskoj stranici JP Elektroprivreda BiH d.d. – Sarajevo ([www.elektroprivreda.ba](http://www.elektroprivreda.ba)).

##### **Član 3.**

Stupanjem na snagu ove Odluke, stavlja se van snage Odluka o izboru najpovoljnijeg ponuđača broj: 02-3894-1/2022 od 01.06.2022. godine.

### **O b r a z l o ž e n j e**

Ugovorni organ je donio Odluku o okončanom postupku i izboru najpovoljnijeg ponuđača broj 02-3894-1/2022 od 01.06.2022. godine, u postupku javne nabavke robe, predmet nabavke „Zbrinjavanje opasnog otpada”, za potrebe Podružnice Termoelektrana „Tuzla“, Tuzla, po Otvorenom postupku javne nabavke br. 2000034563 (broj sa Portala javnih nabavki 1405-1-2-38-3-120/22), objavljenom na Portalu javnih nabavki dana 26.04.2022. godine. Kriterij za dodjelu ugovora je „najniža cijena“.

Najuspješniji ponuđač u predmetnom postupku nabavke „C.I.A.K.” d.o.o. Grude sa ukupnom cijenom ponude u iznosu od **4.994,50 KM** je, u skladu sa tačkom 7. tenderske dokumentacije, bio u obavezi da u roku od 5 dana od dana zaprimanja obavještenja o rezultatima postupka nabavke, dostavi Ugovornom organu važeću okolinsku dozvolu (ovjerenu kopiju), kao i važeće Rješenje o izdavanju dozvole za aktivnosti upravljanja opasnim otpadom (ovjerenu kopiju).

Odluka o izboru najpovoljnijeg ponuđača broj: 02-4894-1/22 od 01.06.2022. godine, prosljeđena je učesnicima predmetnog postupka 02.06.2022.godine.

Odabrani ponuđač „C.I.A.K.” d.o.o. Grude je dokaze po zahtjevu iz tačke 7. Tenderske dokumentacije dostavio u ostavljenom roku.

Pregledom dostavljene dokumentacije utvrđeno je da se:

- U tački 5. Rješenja FMOIT od 09.09.2019. godine, u tabeli ispod, nalaze samo 4 stavke sa ključnim brojem (\*) opasnog otpada (Tabela, redni broj: 3, 6, 9 i 18) od zahtijevanih 17 stavki opasnog otpada sa šifrom - ključnim brojem iz Specifikacije za nabavku usluge, a u Specifikaciji su to slijedeće šifre - ključni brojevi: 1, 7, 10 i 14. Dakle, u dostavljenoj okolinskoj dozvoli ponuđač ne posjeduje 13 šifri - ključnih brojeva opasnog otpada iz Specifikacije, te ne ispunjava tehničke zahtjeve za uslugu.

Drugim riječima, ponuđač nije dostavio okolinsku dozvolu za zbrinjavanje opasnog otpada za navedenih 13 stavki.

Obzirom da je Ponuđač kojem je dodijeljen ugovor dostavio nepotpune dokumente prema zahtjevu tačke 7. Tenderskog dokumenta u ostavljenom roku od dana zaprimanja obavještenja o rezultatima ovog postupka javne nabavke, njegova ponuda nije prihvatljiva, te su time u ovom postupku javne nabavke sve dostavljene ponude neprihvatljive.

Obzirom da su navedeni razlozi izvan kontrole ugovornog organa, te da se nisu mogli predvidjeti u vrijeme pokretanja postupka javne nabavke, u skladu sa članom 69. stav 3., odlučeno kao dispozitivu ove Odluke.

#### **Pravna pouka:**

Protiv ove Odluke može se podnijeti žalba ugovornom organu Javnom preduzeću Elektroprivreda BiH d.d. - Sarajevo, Podružnica Termoelektrana „Tuzla”, Tuzla u roku od 10 (deset) dana od dana prijema ove Odluke.

Dr. sc. Izet Džananić



✓ Ponuđač	Ix
✓ 061	Ix
✓ a/a	Ix